



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### S. Ioannis Damasceni Historia, De Vitis Et Rebus Gestis SS. Barlaam Eremitæ, Et Iosaphat Indiæ regis

Johannes <Damascenus>

Coloniæ, 1624

Cap. XXXIX. Barlaam Iosaphato, mortem suam prædicit, eumq[ue]  
consolatur, sacrisq[ue] operatur, ac Crucis signo munitus, læto animo  
moritur.

**urn:nbn:de:hbz:466:1-45244**

virtutem transfiliens, desideriumque desiderio, ac studium studio indefinenter adiungens: quoad tandem ad speratam & expetitam beatitudinem perveni.

**BARLAAM IO'SAPHATO**  
*mortem suam pradicat, eumque consolatur:  
 sacrisque operatus, ac Crucis signo  
 asunitus, lato animo moritur.*

## CAPVT XXXIX.

**C**VM itaque hoc pacto Barlaam & Iosaphat vna versarentur, ac pulchro inter se certamine cōtenderent, ab omni cura & huiusce vitæ perturbatione immunes, mentemque ab omni confusione purā ac seiunctā habentes, post multos ab ipsis pietatis causa susceptos labores, quodā die Senex accersito spirituali filio, quē per Euangeliū genuerat huiusmodi spiritualē sermonē aggressus est.

Iam pridē, ō amice Iosaphat, te in hac solitudine habitare oportebat, atq; hoc mihi oranti Christus de te pollicitus fuerat, fore, vt te ante extremū vitæ diē viderē. Vidi itaq; quē admodū cupiebā: vidi in quā te à mūdo & mundi rebus auulsum, ac Christo minime dubio ac vacillanti animo coniunctū, atq; ad perfectā plenitudinis ipsius mensuram progressum.

**T 6** sum.

*Barlaamo  
collactanea  
fuit mortis  
cupiditas.*

sum. Nunc igitur, quando quidem mor-  
tis meae tempus instat, atque collacta-  
nea & mihi aequalis ea cupiditas, quae,  
ut cum Christo essem, semper me tenuit,  
iam expletur, tu quidem corpus meum  
terra conde, puluerique puluerem rede-  
de. Post autem ipse in hoc loco hære,  
susceptum spiritualis vitæ genus perse-  
quens, meaque tenuitatis memoriam  
retinens. Vereor enim tenebrosam  
dæmonum agmen animo meo pro-  
pter ignorantiarum mearum multitu-  
dinem impedimentum afferat.

*Optimum  
ad laborum  
radium vi-  
vendum pre-  
ceptum.*

Tu verò, fili, ne religiosæ exer-  
citationis laborem metuas, neque ad  
temporis longitudinem, ac dæmonum  
insidias elanguescas. Quin potius i-  
psorum imbecillitatem, CHRISTI  
virtute communitus, audax irride:  
ad laborum autem duritiam, ac tempo-  
ris diuturnitatem animo ita compara-  
to es, tanquam quotidie discessum  
è vita expectans, atque eundem di-  
em tibi vitæ monasticæ, tum initium,  
tum finem esse existimans. Sic semper  
ea, quæ à tergo sunt, obliuiscens, at-  
que ad ea, quæ à fronte sunt, te ipsum  
extendens, ad destinatum persequere,  
ad brauium supernæ vocationis Dei in  
Christo Iesu, quemadmodum san-  
ctus

*Philip. 3.*

Etus Apostolus his verbis hortatur: Non <sup>2. Cor. 4.</sup>  
 deficiamus sed licet is qui foris est ho-  
 mo noster corrumpatur, tamen is qui  
 intus est, renouatur de die in diem.  
 Nam quod momentaneum est & leue  
 tribulationis nostræ, supra modum in  
 sublimitate æternum gloriæ pondus o-  
 peratur in nobis, non contemplantibus  
 nobis quæ videntur, sed quæ non  
 videntur. Quæ enim videntur, tempora-  
 lia sunt, quæ autem non videntur, æ-  
 terna.

Hæc cum animo tuo reputans, vir  
 charissime, viriliter age & confortare, <sup>Psal. 116.</sup>  
 atque vt egregius miles, id da operam,  
 vt ei, qui te militem scripsit, placeas, nec <sup>1. Tim. 2.</sup>  
 quamuis imbecillitatis ac languoris co-  
 gitationes improbas ille spiritus tibi  
 immittat, instituti que tui neruos fran-  
 gere ac debilitare studeat, ipsius insidias  
 pertimescas, illud Domini præceptum  
 cogitans, *In mundo pressuram habebitis. IOAN. 16.*  
*sed confidite, ego vici mundum.* Quocirca  
 gaude in Domino semper: quoniam i-  
 pse te elegit, atque à mundo sciunctum  
 ante faciem suam posuit. Ipse autem,  
 qui te vocatione sua sancta vocauit, pro-  
 pe est semper. *Nihil itaque sollicitus sis: Philip. 4.*  
*sed in omni oratione atque obsecratione cum*  
*gratiarum actione petitiones tuæ innotescant*

apud Deum. Ipse enim dixit: Non te dereram, nec derelinquam. Hæc itaque in vita duritia ac religiosæ exercitationis vilitate tecum ipse reputans, in animi voluptate versare, Domini Dei nostri memoriam retinens. *Memor enim, inquit, fui Dei: & delectatus sum.*

*Psal. 76:*

*Remediū  
aduersus  
vanam  
gloriam.*

*Luc. 17.*

*2. Cor. 8.*

Cum autem rursus aduersarius aliud in te belli genus excogitauerit, sublimes nempe atque arrogantes cogitationes proponens, regni que terreni gloriam, quam reliquisti, ceteraque, quæ in mundo sunt, tibi in oculis collocans, salutiferam doctrinam clypei instar obtende, dicentem: *Cum feceritis omnia, quæ præcepta sunt vobis dicite: Serui inutiles sumus: quoniã id quod facere dubuimus, fecimus.* Et quidem quis nostrum debitum illud, quo eam ob causam Domino obstricti sumus, quot cum diues esset, propter nos egenus factus est vt nos eius paupertate diuites essemus, & qui à perpeffione immunis erat, vt vitiosis affectionibus nos liberaret, cruciatus subiit, persolvere potest? Quod enim beneficium est, seruum eadem perpeti, quæ Dominus perpeffus sit? At qui nos permultum ab ipsius cruciatibus remoti sumus. Hæc secū reputa, cogitationes destruens, &

*acm*

omnē altitudinem extollentem se ad-  
uersus scientiam Dei, & in captiuita-  
tem redigens omnem sensum in obe-  
dientiam Christi. Et pax Dei, quæ ex-  
uperat omnē sensum, custodiat cor tuū  
& cogitationes tuas in Christo Iesu.

2. Cor. 10.

Philip. 4.]

Hac oratione à Barlaamo habita, Io-  
saphat infinitam vim lachrimarum  
profudit, sic nempe, vt tanquā ex vber-  
rimo fonte scarurientes, ipsum pror-  
sus, ac terram in qua sedebat, prolue-  
rent. Atque ipse, huiusmodi dissidium  
deplorans, perquam ardentem ab eo  
contendebat, vt postremi illius iti-  
neris comitem se adhiberet, nec post  
ipsius discessum in mundo iam rema-  
neret, his verbis vtens: Ecquid, ô pa-  
ter, tui duntaxat, ac non proximi  
rationem habes? Quonam autem mo-  
do hac in re perfectæ charitatis officio  
fungeris (pro eo atq; à Christo dictū  
est: *Diliges proximū tuū sicut te ipsum*) cū  
tu quidem ad requiem pergas, me au-  
tem in oppressione atque ærumna re-  
linquas, ac priusquam in religiosæ vi-  
tæ certaminibus, vt par est, exercitatus  
sim, variasque hostium insidias com-  
pertas habeam, ad singularem pugnam  
cum ipsis ineundam me obijcias? Ex  
quo quidnam aliud contingere potest,  
nisi

Deut. 6.]

nisi

nisi vt veteratoriis ipsorum artibus pro-  
sternar, atque, vt imperitis ac timidis  
gladiatoribus vsu venire solet, sempitet-  
nam animæ mortem oppetam? At Do-  
minum, quaeso, roga, atque obsecra,  
vt me quoque tui è vita discessus socium  
asciscas, id vt facias, per eam ipsam  
spem, quam habes, fore, vt laboris mer-  
cedem percipias, te obtestor. Hoc, in-  
quam, à Deo precibus contende, vt ne  
vnicum quidem diem post tuum disces-  
sum in hac vita peregriner, atque in den-  
sissima hac solitudine oberrem.

Hæc cum Iosaphat plorans diceret,  
Senex placide ac leniter ipsum reprimens,  
Dei iudiciis, inquit, quæ mentis  
humanae captû excedunt, oblectari mi-  
nime debemus. Nam ego, cum de hac  
re multas ad Deum preces fudissem, e-  
umque, cui nulla vis afferri potest, ve-  
lut per vim adigere tentassem, vt ne  
inter nos disungeremur, ab ipsius boni-  
tate hoc didici, minime tibi nunc con-  
ducibile esse carnis onus abiicere, ve-  
rum in religiosa exercitatione tandiu  
permanere, quoad splendidiorum coro-  
nam tibi texueris. Nondum enim pro-  
ca, quæ tibi parata est, mercede satis  
decertasti: verum paulum adhuc labo-  
res oportet, vt latus in Domini tui gau-  
dium

dium intres. Nam ego quidem iam pe- *Barlaam*  
 ne centenarius, annos quinque & sep- *Centena-*  
 tuaginta in hac solitudine confeci. Ti- *rius Reli-*  
 bi verò, etiamsi nō tanta temporis mo- *giosus 75.*  
 ra futura est, at certe ad id spatium, vt *annorum.*  
 iubet Dominus, propius accedas ne- *Matth. 20.*  
 cesse est: quo iis nulla ex parte inferior *sis, qui diei & astus pondus* pertulerunt.  
 Quapropter, o amice, quæ à Deo decre-  
 ta sunt, prompto ac lubenti animo ac-  
 cipe. Nam quæ ipse decreuit, quis ran-  
 dem mortalium dissipare queat? Atque  
 ipsius gratia conseruatus, tolerantiam  
 præsta.

Illud etiam cura, vt aduersus inimi- *Mentis pu-*  
 cas cogitationes animo excubes, ac *ritati ma-*  
 mentis puritatem, non secus ac quendā *gnopere stu-*  
 ingentis pretij thesaurum, saluum & *dendum.*  
 incolumen serues, ad sublimiorem a-  
 ctionem & contemplationem in dies  
 te ipsum prouehens: vt illud in te implea-  
 tur, quod Dominus amicis suis promi-  
 fit, his verbis vtens: *Si quis diligit me, ser-*  
 monem meum seruabit, & Pater meus di- *Ioan. 14.*  
 liget eum, & ad eum veniemus, & man-  
 sionem apud eum faciemus.

Hæc, ac multo his plura, sanctissima  
 illa anima, ac Theologica lingua digna,  
 oculus senex, mœrentem ipsius animū  
 leniuit.

Deinde



Deinde ad quosdam fratres, longo intervallo ab ipso distitos, eum amādat, ut ea, quæ ad sacrosanctum sacrificium conficiendum accommodata erant, afferret. Et quidem Iosaphat præcinctis vestibus quam celerrime hoc ministerium exequitur. Verebatur enim ne absente se Barlaam debitum naturæ munus persolveret, ac Domino spiritum reddēs graue sibi detrimentum inferret, siquidem & verborum, & extremarum allocutionum, & orationum ipsius expertus fuisset.

*Barlaam  
imminente  
morte mis-  
sam cele-  
brat.*

Cum igitur longinquū illud iter fortissimo animo confecisset, atq; ea, quæ ad sacrosanctum sacrificium opus erāt attulisset, diuinissimus Barlaam incruentum sacrificium Deo obtulit: perceptisq; CHRISTI ab omni labe puris mysteriis, ac Iosaphato item impertitis, spiritu exultavit, sumproque de more cibo, salutaribus rursus sermonibus ipsius animum alere cœpit, his verbis utens: Non iam, charissime fili, nos in hac vita eadem domus ac mensa coniunget. Iam enim ultimam patrum meorū viam ingredior. Quocirca tibi faciendū est, ut per mandatorum diuinorum obseruationem, atque in hoc loco ad extremum vsque vitæ diem commorationem

nem, tui erga me amoris specimen exhibeas. sic nimirum vitæ tuæ rationes instituens, quemadmodum didicisti, nec vnquam abiectæ, atque ignauæ animæ meæ memoriam intermittēs. Multum itaque vale, atque in Christo delectare, atq; exulta: quoniam terrena & interitui obnoxia cum sempiternis, & ab interitu alienis bonis commutasti: ac propinqua est operum tuorum merces, ac iam iamque adest, qui mercedem refert. Qui quidem ad inspiciendam eam vineam, quam excoluisti, veniet: tibi que pro ea exulta mercedem amplissimam præbebit. *Fidelis enim sermo, ut clamat diuinus Paulus Apostolus, atque omni acceptance dignus: Si commorimur, & conuiuemus: si sustinemus, & conregnabimus, in sempiterno illo ac finis experte regno incomparabili luce collustrati, atque vere beatæ ac principis Trinitatis illuminatione donati.*

Hæc Barlaam ad vesperam vsque, ac per totā etiā noctem, Iosaphato loquebatur, effusissime lachrimanti, atq; huiusmodi disunctionē ægerrimo animo ferenti. Iam autem lucente die manus atq; oculos in cælum sustulit, Deoque gratias reddens, hoc sermone vsus est.

Domine

*Nota hæretico quoties iteretur mercedis nomen: additur etiam qui operis mercedem refert.*

*1. Thimo. 2.*

*Orat. Barlaam mo-* Domine Deus meus, qui vbi que præ  
*rientis.* sens es, atque omnia imple, gratias tibi  
*Psal. 50.* ago: quoniam humilitatem meam re-  
 sperxisti, atque hoc mihi concessisti,  
 ut in orthodoxa tua fide, & mandato-  
 rum tuorum via, huiusce peregrinatio-  
 nis cursum absoluerim. Ac nunc, opti-  
 me Domine, atq; ad misericordiã pro-  
 pensissime, in æterna tabernacula tua  
 me recipe: nec ea memoria retine, quæ  
 vel sciens, vel insciens in te peccaui. Cõ-  
 serua autem etiam fidelem hunc seruũ  
 tuum, cui me inutilem famulum tuum  
 præesse voluisti. Ab omni vanitate atque  
 aduersarij vexatione ipsum exime. illud-  
 que effice, vt nodosissimis ijs laqueis,  
 quos diabolus ad eorum omnium, qui-  
 bus salus cordi est, offensionem expan-  
 dit, sublimior existat. Omnem impo-  
 nis potentiam, omnipotens Deus, à ser-  
 ni tui facie dele: atque eas ipsi vires af-  
 fer, vt pestiferum hostis animarum ne-  
 strarum caput proculcet. Spiritus tui  
 sancti gratiam ex alto in eum demitte,  
 atq; ad inuisibiles confictus robur ipsi  
 adde: vt victoriæ coronam à te conse-  
 quatur, ac nomen tuum, ô Pater, ac Fi-  
 lij tui, & Spiritus sancti, in ipso celebre-  
 tur: quoniam te decet laus & gloria in  
 sæcula. Amen.

Hac

Hac precatione habita, cum paterno affectu Iosaphatum complexus, atque oculo sancto exosculatus fuisset, ac sese Crucis signo muniisset, pedesque extulisset, ingenti lætitia perfusus, non secus ac si amici quidam accessissent, ad beatum iter, atque ad recipienda beatæ illius vitæ præmia profectus est, senex plane, ac spiritualium dierum plenus.

**IOSAPHAT BARLAAMI COR-**  
*pus humo condit: atque in religiosa exerci-*  
*satione perseverans moritur, ac iuxta eum*  
*sepelitur. Postea India Rex eorum cor-*  
*pora in regnum suum honorifi-*  
*centissime trans-*  
*fert.*

## CAPVT XL.

**I**OSAPHAT autem summa cum  
 veneratione atque eiulatu patrem cō-  
 plexus, lacrimisque abluto ipsius cor-  
 pore, atque aspero illo cilicio, quod ab  
 eo in aula acceperat, inuoluto, consue-  
 tos psalmos recitat, per totum diem ac  
 totam noctem simul & canens, & pre-  
 riosum beati viri corpus lacrimis ri-  
 gans. Postridie autem effosso iuxta spe-  
 luncam sepulchro, ac sacro corpore re-  
 ueren-

*Ecce quomodo  
 ad Iosaphas  
 super corpus  
 defuncti  
 Psalmos re-  
 citabat, &  
 per totum  
 diem ad no-  
 ctem canens.*